

BERTSOLARIEN PIKOA (I)

Bi gauza da bertsolaria: musiku ta esanlari. Bertsoan ari danean, kantuz ari oi da ta buruak ematen diona kantu orren ariz azaltzen.

Ortarako iru gai beintzat bear ditu: belarri ona, abots ez exkaxa ta soiñu-kontzientzia.

Entzumenez artu genezake soiñua, baita igi-neurria ta go-gaia —burutapena— zaindu ta egiztatu ere. Abotsak sor-azten digu soiñua. Soiñu - kontzientzia, ordez, geure izate ta gogoaren gaitasuna duzu. Abotsik, ez jo - tresnarik gabe ere, berak adierazten digu, soiñuak alkarrékin duen ar - emanari esker, edozein melodi naiz eres-kidek barnean duen zera. Sarri erabili-ta oituriko abots - experientziak lagunduta lortu ta geunagatzen dugu soiñu - kontzientzi ori.

Badu zer ikusirik onekin dantzak ere. Ritmua, igiera bear da dantzatzean. Gorputz osoaren igieraz osatu ditzakegu ritmuak. Emen ere kontzientzia bear da, igiera-kontzientzia, aldiaren zatiak eta jarraikoak, beren indar, xixtu, abiada ta bizitasun osoan, aitzen eman al izateko. Au ere gorputz - iñarkun etenbakoz lortzen da.

Gaur-eguneko musikak izango ditu bere akatsak, baiña ritmurik ez duenik ez du iñork esango, gezurra lioke ta. So jai-saloi batean, ezte-ondoko musica otsean naiz erri-plazan; gure

ume ta gazteak musika asi-ala asiko zaizkizu oïnäk, bernak mobitu ta irra-naiean. Aspaldikoa da noski, gure bizitzari estu-estu lotua, igiera ta ritmua.

Bertsolariak, aotik ortzera bertso-jario ari dalarik, ritmubat, igiera bat darabil. Nun, baina? Kantu - doiñuan nimbait.



Ildo orretan irauli ta ustua oititu koplariak goi-doalez argiturik buruak ematen dizkion itzak; ez au gero jakiniez, xoral-diz eta uste gaberik bezela baino. Ez dizkigu egundo bere bertsoen silabak bat-banatzen; ez du orren ardurarik; ezta mingorrik, azenturik duen ala ez ere, ez du orren axolik: melodiar darama bide seguruz. Orixegatik, silaba bakoitzak ez du,

bertsolarien doiñurik gelenetan beintzat, "nota" bat - bakarra baizik: "nota" bakoitzak silaba bat eta kitu. Bear bainio puntu geiago sartu ezkerro, "porro" egin oi digu bertsolariak.

Orrezaz gaiñera, beste zerbait ere arretaz zaindu oi du bertsolariak, utsik egin gabe ta jakiniez zaindu ere: azken - oskidez, rimaz arduratzentz da.

Naitaezkoa du ori. Ez gero edozelango azken-amaitzea ere; aberatsa, loratsua nai izaten du geienik. Bai ideia, pentsamentuz bai rimaz bertsoa izan dedilla egoki, zorrotz eta jakintsu bukatua. Ortan datza, batez ere, bertsolariaren trebetasuna. Ortan lan egin oi dute, olerkari onaren pareko. Bertsolari batzuk, ikusiak ditut nik, azken-oskide arraru ta bakanez paper osoak zirriborrotuta ziskuan erabilli oi dituztenak, lan bitartean ere eurok gogoratu ta auznartzeko asmoz. Gisa ortan aberasten dute beren bertso-saila. Bederatzi puntuko estrofak, adibidez, ez dira errezenak, eta alan ere gaur edozein bertsolari gai da olako bertsoak.

A. ONAINDIA



BERTSOLARIEN PIKOAK (II)

Rima egikeran beste zerbait ere arduraz gorde oi dute.

Zer ote? Ritmuak eskatzen duen zerbait, itzan barruan duen igierak eskatutakoa: puntuaren amaikerak ez du nai itz berdinik.

Geiago eindio: M. Lekuona'k dionez, estrofa edo aapaldi bukaeran ezin leike ber-esan, ez erabilli itz bat-bera, ezta estrofa barruan ere. Bein erabilli dan itza ezin dezakegu berriz erabilli, ez bukaeran ez estrofa barruan. "Poto" egitea litzateke ori. Bertsolariak badauzka, ba, bere lege estu ta ertsia, bere trebetasunari esker, ederki bete oi ditumak.

Ritmuaren igierari gagozkiala, ez bedi infoiz ere bizlegia izan; eman emeki doihuari, baiña ez astiroegi: musikan *andante* esaten zaiona dute eredu. Oiengan ez duzu aurkituko gaurko kantarien garraxirik, ez jauzi bizirik, ez ao-biurtze itsusirik. Iturritik ura bezela, berez datorrena da guztia, itz, ritmu ta amai aberats.

Ritmu ori, gaiñera, euskaldunak ez du artu alboko erri-musikatik, bere arimatik sortua du. Guri ez digu ezer esaten ego-aldeko musikak, andaluziarren ijito-kantak, esate baterako; ezta, bear bada, aiei gureak ere. Gu-

retzaz aiek gogorregiak, ozengiak dira; gureak aientzat, ba'liteke, gozo ta belaskaegiak iza-tea. Erri bakotzak du bere ari-ma; eta nare, ezti ta jabal duzu gure musikaren igiera, bertsolariena batez ere.

Ez duzu alan eta guzti ere ainestua. Bertsolariak badu askatasunik, bai ritmuan eta bai melodian; kantu gregorianaun bezela edo. Onek, ordea, ari izur bezela jarten ditu musicalariak.

Auxe da izan ere gure bertsolarien jatortasuna, jator izatea; ez du, ez, infoegandik artu, bereberea du zalantza gabetanik. Guztiz aske ta ausart zaigu sarritan. Askatasun eta ausardi auek nabari ipinteko, musicalariak —R. M. Azkue ta Aita Donosti tarteko— zuberotarrak abestu oi duten au, jarri oi digute eredu bezela:


Oi xarmagarri, otol, entzün nezü, leihula jalki eta hunat so egidazu.
Urrunti hunat nüü;
gaia ulhun düü;
ebia ari düü;
krudela ez-pa'zira, pletate har zazü:
borta idok adazü.

Letra onek duen melodía etzion Aita Donostíri errezziz idatziz aldatzea. Alkar izzeta duzu neska bere etxeko leioan, eta maite-mindutako mu-

til gaztea kanpo aldetik leio azpian kantari.

Iru aldikotik laukora errez jauzi dagi kantariak: baita dotñu nausitik txikiera ere. Geienik ez da orrela bertsolarien jocabidea, baiña noizik-bein baditzte olako koxka, eta irulez jokatzeak.

A. ONAINDIA



Orra or euskal bertsolarien oroit-arría; gure metietako errekok emeki landutako arriskak, eta oierari berak malteki landu zituen itz zaixyak...